

**Borislav Goić, Predsjednik, Udruženje Proslavi Oporavak, Bosna i Hercegovina**

Nakon uspješno završene rehabilitacije, Boro Goić se aktivno uključuje u borbu protiv zloupotrebe droga od 2004. godine. 2008. godine postaje suosnivač i Predsjednik nevladine organizacije Proslavi Oporavak koja za cilj ima pružiti pomoć pojedincima i porodicama u procesu oporavka od ovisnosti o drogama. Aktivno učestvuje i podržava osnivanje i rad drugih sličnih organizacija civilnog društva na području Balkana. Jedan je od pokretača regionalne konferencije bivših ovisnika koja se na godišnjoj bazi održava u Sarajevu.

2012. godine gospodin Goić se uključuje u kreiranje globalnih politika o drogama te postaje Predsjednik Mreže oporavljenih ovisnika (RUN), jedinstvene evropske platforme koja na globalnom nivou predstavlja i zastupa prava oporavljenih ovisnika. Takođe, jedan je od članova odbora EURAD-a, Evropske mreže za prevenciju, tretman i oporavak. Unutar svog djelovanja gospodin Goić aktivno sudjeluje na globalnim debatama vezanim za politike o drogama i zalaže se za balansirane politike o drogama usmjerenih ka oporavku na nacionalnom, evropskom i UN nivou, te od 2013. godine postaje član ekspertne grupe Foruma civilnog društva o drogama (CSFD) unutar Evropske komisije. Od 2014. godine je predstavnik globalnog glasa oporavljenih ovisnika u sklopu Radne grupe civilnog društva (CSTF), koja je radila pripremu za Specijalnu sjednicu Generalne skupštine UN-a (UNGASS) o svjetskom problemu droga i Ministarskom segmentu 62. sjednice UN-ove Komisije za droge 2019-te (CND) i kroz svoj angazman redovno doprinosi inputu civilnog društva Kancelariji UN-a za droge i kriminal (UNODC).

Aktivno je učestvovao i u radnoj grupi za kreiranje nove Državne strategije nadzora nad opojnim drogama, sprječavanja i suzbijanja zloupotrebe opojnih droga u BiH (2019-2023). Kroz svoj angažman i iskustvo unutar procesa oporavka govorio je na mnogim evropskim i svjetskim konferencijama o ovisnosti o drogama.